

Protocol da la radunanza generala dals 5 december 2007, a las 20.30 i'l Cafè Sala

Tractandas

1. salüd dal president e s-chüsas
2. tscherna scrutinaduors
3. prelecziun dal protocol da la radunanza generala 2006
4. rapport annual dal president
5. rapport da la chaschiera e dals revisuors da quint
6. rapports dal schef da pista, schef da turas, president Super-G., delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annunala
10. program da l'on
11. varia

1. salüd dal president e s-chüsas

A las 20.40 po il president Christian Poo salüdar a 18 commembers. S-chüsats s'han il schef da turas Andri Poo, il schef da pista Jon Buchli, implü Sonja Gartmann, Hanin Conradin, Peder Poo ed Anna Barbla Buchli.

2. tscherna scrutinaduors

Sco dombravuschs vain nomnà ed elet Evar Zanetti.

3. prelecziun dal protocol da la radunanza generala 2006

Il protocol da la radunanza generala 2006 es gnü tramiss insembel cul invid. El vain listess amo üna jada prelet ed approvà cun applaus.

4. rapport annual dal president

Il president Christian Poo orientescha davart arrandschamaints dal club d'ürant l'on scuors. L'evenimaint principal d'essan restar eir in avegnir las cuorsas dal club, per las qualas füs giavüschada üna partecipaziun plü numerusa. Forsa dan ils ultims success dals skiunzs svizzers ün stempel ad ün o tschel in avegnir. Eir ulteriuors arrandschamaints vegnan organisats o sustgnüts cun grond ingaschamaint da personas dal club. Per tuot quistas uras da lavur, chi nu sun hozindi inclegiantavlas be da sai, ingrazcha il president cordialmaing. Plünavant vain lodada eir la collavuraziun culs clubs da Schlivera Ftan e Lischana Scuol. Arrandschamaints sper las cuorsas dal club sun stats: il Super-G, las cuorsas d'uffants e cuorsas da FIS, la stafetta tras Sent, la Traversada, l'ingaschamaint pel Passlung Scuol-Martina, las ustarias in Plaz e'l di da lavur cumüna pellas Pendicularas.

Il president ingrazcha eir a tschels commembers dal comitè e spera d'avair sustegn cull'organisaziun dad arrandschamaints eir in avegnir.

I vegn orientà cuort davart turbulenzas pro la SNAF. Pel sport da skis e pel club esa da sperar chi possa gnir chattada plü svelto pussibel üna soluziun co cuntinuar illa SNAF.

5. rapport da la chaschiera e dals revisuors da quint

Culla chascha dal club vaja bain. Per consequenza da l'organisaziun da l'ustaria d'ürant ils concerts da stà da la società da musica, l'ustaria da la stafetta e l'organisaziun da las cuorsas da FIS, ha il club da skis pudü far ün guadogn da fr. 3372.25.

Il revisur da quint Duri Valentin prelegia il rapport dals revisuors. Quel vain fat bun cun dar dis-charg als organs responsabels.

6. rapports dal schef da pista, schef da turas, president Super-G., delegià Traversada e Stafetta tras Sent

Cun quai chi mancan Jon Buchli ed Andri Poo orientescha il president s'vess davart cuorsas, gitas e Super-G.

La partecipaziun a las cuorsas da psslung d'eira maigra, però almain ün participant per categoria. 21 commembers han tut part al slalom e 26 al slalom gigantesc.

Gitas nu sun gnüdas fattas ningünas. Clà Sarott vaiva scrit oura la Lavera, ma ningün nu d'eira d'intuorn. I's spera da pudair far üna o tschella gita quist on chi vain. Clà Sarott es pront da star a disposiziun amo üna jada pella Lavera.

I nu füss stat pussibel da far il Super-G sülla pista dal sömme. Perquai s'haja decis da far ün slalom gigantesc sülla pista da Clünas. La partecipaziun d'eira i'l rom dals ultims ons.

Il rapport da la Traversada vain preschantà da Georg Buchli. Pella 11avla Traversada sun partits 105 participants, 99 han raggiunt cun ora da bellezza il böt illa Sesvenna. La senda dal Quar es gnüda missa ad ir fich bain dal cumün, la suprastanza da la Traversada vess a disposiziun amo munaida schi füss da far amo oters amegldramaints. La prosma Traversada ha lö dal 2009. Dal 2008 ha lö la traversada dal Vnuost da la chamonna Oberettas fin illa Sesvenna.

Andri Gritti orientescha cha la partecipaziun a la stafetta tras Sent saja statta fich buna cun 28 squadras cun in tuot 143 curriduors. In tuot s'han partecipats daspö chi exista la stafetta fingià 713 personas ad almain üna stafetta. 265 sun currüdas fingià 5 jadas o daplü. El ingrazcha al club, als tempaders, a Seraina Riatsch chi organisescha la gimnastica per as s-chodar aint ed a Men Werro chi regla il trafic. Dal 2008 ha lö la stafetta da giubileum da 25 ons. Quella vain organisada d'ün pitschen comitè d'organisaziun, al qual fan part Andri Gritti, Rico Zini, Christian Poo, Seraina Riatsch e Mario Rauch. La suprastanza dal club sustegna natüralmaing eir pro l'organisaziun. L'idea es dad organisar darcheu alch plü grond, cun forsa ün o tsel prominent. La data da la stafetta es fixada süls 21 gün 2008. Quel di ha lö eir ün gö dals championadis europeics da ballapè. I gnarà missa sü in Plaz üna taila per pudair verer quist matsch.

7. mutaziuns ed onurificaziuns

Las seguaintas personas sun sortidas dal club skiunzs Sent: Töna Mayer, Annatina Pianta, Käthi e Tinet Ruben e Carolina Buchli.

Il club ha la furtüna da pudair eir beneventar a duos novs commembers chi vegnan artschvüts cun applaus: Aita Weber e Rico Zini.

Elisabeth Sarott vain onurifichada sco commembera veterana cun quai ch'ella fa part 25 ons al club da skis da Sent. Sco commembers libers (40 ons commembranza) vegnan onurifichats Hanin Conradin e Reto Buchli

8. tschernas

I nu s'ha chattà ningüns successuors per Adriana Preuss ed Andri Taverna. Els han decis da's metter a disposiziun amo per ün on e vegnan reelets cun applaus. Eir Domenic Bass vain reelet sco revisur da quint. Il rest da la suprastanza e'l seguond revisur vegnan reelets pür in ün on.

9. fixar contribuziun annunala

La contribuziun annunala vain fixada sün 25.- fr. per persunas sainza commembranza da Swiss-Ski e 50.- fr. per commembers da Swiss-Ski.

10. program da l'on

Il program da l'on es gnü protramiss. Il president fa recloma pella jouslada our il Restorant da Muntogna. Georg Salomon manzuna cha'l vin chod gnia sponsorà dal Restorant da Muntogna svess e cha sch'inchün nun haja schlitra possa'l gnir sainza e ch'el possa tour üna dad els. Il president ingrazcha a Georg per quista sporta fich generusa. A regard il rest dal program nu daja dumondas o objecziuns specialas.

11. Varia

Il president propuona a la radunanza da surdar a Cla Valentin, chi'd es stat divers ons president e s'ha ingaschè adüna cun corp ed orma pel club, la commembranza d'onur. La radunanza segua a quista proposta cun applaus. Cla Valentin ingrazcha pel grond sustegn ch'el ha adüna darcheu pudü giodair e manzuna ch'el stetta inavant a disposiziun per sustegner al club in ün'o tschella situaziun.

I vain orientà cha'l club haja survgni ün local sül schler da defaisa civila. Andri Taverna e Christian Poo guardan cha quel saja miss ad ir fin a la prosma radunanza generala.

Cla Rauch intimescha da far a savair schi capitan arrandschamaints specials pro'l club per pudair publichar quels illa pagina d'internet. Da quella vegna fat grond adöver ed üna gronda part da commembers ed ulteriura populaziun guarda plü suvent in quella co illa chaistina d'arrandschamaints aint in Plaz.

Ils temparders vessan jent da surdar quist'incumbenza. Il Passlung da Scuol-Martina e la corsa da stà vegnan uossa surtuts dad otras persunas. Quist on piglian els ils temps amo pellas cuorsas dal club e'l Super-G.

Andri Lansel, cusglier administrativ da las Pendicularas ingrazcha al club pel grond ingaschamaint d'urant la lavur cumüna. El surdà ün import da fr. 500.- sco recognuschtscha pella chascha dal club.

I vain intimà da nu dovrar be ils prenoms aint ils protocols. In pacs ons, cur cha protocols survegnan üna tscherta valor istorica, nu's savessa forsa plü da chi chi's tratta schi vain be dovrà il prenom.

Georg Salomon propuona da segnar ün'aczia da las Pendicularas per demonstrar simbolicamaing quant importantas cha quellas sun pella regiun e pel club da skis da Sent. La radunanza decida cun unanimità da las vuschs da seguir a quista proposta, adonta ch'ella nu d'eira tractandada e surpiglia cun quai la responsabilità per quista decisiun. Andri Lansel ingrazcha pella fiduzcha ed orientescha davart il stadi acutal da las aczias. Pel mumaint sun gnüdas segnadas aczias per ün import dad 1,7 milliuns francs.

Las seguaintas persunas han üna licenza per far cuorsas e's parteicipeschan uschea ad occurenzas pel club da skiunzs Sent: Lea e Schimun Grass da Tarasp illas disciplinas alpinas e Gian Fadri Lansel da Sent e Severin Dietrich da Martina illas disciplinas da biatlon.

A las 22.10 serra il president la radunanza.

L'actuar

Mario Rauch